

晉

書

料

注

晉書斟注卷四十四

錢塘吳士鑑

同注

烏程劉承幹

列傳第十四

鄭袤

子默

默子球

鄭袤字林叔

書鈔五十二引王隱晉書作鄭褒又三十

十一引起居注作鄭褒均誤魏志 榮陽開封人也高祖

鄭渾傳注引晉陽秋誤作字材叔

魏志鄭渾傳注續

眾漢大司農父泰揚州刺史有高名 漢書曰眾字子師
大司農張璠漢紀曰泰字公業與王允謀共誅卓脫
身目武關走東歸袁術以爲揚州刺史未至官道卒
少孤早有識鑒 御覽四百四十二徐廣 荀攸見之曰鄭

公業爲不亾矣隨叔父渾避難江東

魏志鄭渾傳作渾將泰小子泰避難

淮時華歆爲豫章太守渾往依之歆素與泰善撫養泰

如己子年十七乃還鄉里性清正時濟陰魏諷爲相國

掾名重當世表同郡任覽與結交表以諷姦雄終必爲

禍勸覽遠之

御覽四百十徐廣晉紀曰鄭表謂覽曰諷姦雄必以禍終子宜絕之

及諷敗

論者稱焉魏武帝初封諸子爲侯精選賓友表與徐幹

俱爲臨淄侯文學轉司隸功曹從事司空王朗辟爲掾

表舉高陽許允扶風魯芝東萊王基朗皆命之後咸至

大位有重名表遷尙書郎出爲黎陽令吏民悅服太守

班下屬城特見甄異爲諸縣之最遷尙書右丞轉濟陰

太守下車旌表孝悌敬禮賢能興立庠序開誘後進調

補大將軍從事中郎拜散騎常侍會廣平太守缺宣帝

謂袤曰賢叔大匠垂稱於陽平魏郡百姓蒙惠化

文選新亭

渚別范零陵詩注引王隱晉書匠字下有渾字

且盧子

家王子雍繼踵此郡使世不乏賢故復相屈袤在廣平

以德化爲先善作條教郡中愛之徵拜侍中百姓戀慕

涕泣路隅遷少府高貴鄉公卽位袤與河南尹王肅備

法駕奉迎于元城封廣昌亭侯徙光祿勳領宗正母上

儉作亂景帝自出征之百官祖送于城東袤疾病不任

會帝謂中領軍王肅曰唯不見鄭光祿爲恨肅以語袤

表自輿追帝及於近道帝笑曰故知侯生必來也遂與
表共載曰計將何先表曰昔與儉俱爲臺郎特所知悉
其人好謀而不達事情自昔建勳幽州志望無限文欽
勇而無算今大軍出其不意江淮之卒銳而不能固深
溝高壘以挫其氣此亞夫之長也帝稱善轉太常高貴
鄉公議立明堂辟雍精選博士表舉劉毅劉寔程咸庾
峻魏志三少帝紀曰甘露元年四月丙辰帝幸太學問
諸儒曰易之書其故何也博士庾峻對曰先儒所執
各有乖異以洪範言之肅義爲長三國志攷證二曰易
博士湛干俊講易用鄭注禮博士馬照亦宗鄭學惟書
博士庾峻從王肅義蓋庾峻係鄭表後竝至公輔大位
所舉表黨司馬氏故峻亦宗王黜鄭及常道鄉公立與議定策進封安城鄉侯邑千戶景元

初疾病失明屢乞骸骨不許拜光祿大夫五等初建封

密陵伯武帝踐阼進爵爲侯雖寢疾十餘年而時賢並

相推薦泰始中詔曰光祿密陵侯裴履行純正守道冲

粹書鈔五十二引晉起居注履行作體行守道作秉道初學記十一御覽二百八引晉起居注亦作體行守

道作退有情和之風進有素絲之節宜登三階之曜初

履道退有情和之風進有素絲之節宜登三階之曜初

記十一御覽二百八引晉起居注登補衮職之闕今以衮爲注登作齊書鈔五十二引作登

司空御覽二百八引晉起居注此句上有明勅朕躬匡其不逮二語又二百四十三引王隱晉書司空作

馬司天子臨軒遣五官中郎將國坦就第拜授衮前後辭

讓遣息稱上送印綬至于十數謂坦曰魏以徐景山爲

司空吾時爲侍中受詔譬旨徐公語吾曰三公當上應

天心苟非其人實傷和氣不敢以垂死之年累辱朝廷也終於不就遵大雅君子之迹可不務乎固辭久之見許以侯就第拜儀同三司置舍人官騎賜牀帳簞褥錢五十萬九年薨時年八十五水經洛水注曰休水又西之西南有司空密陵元侯鄭袤廟碑文帝於東堂發哀缺不可復識案此碑蓋立於袤薨之後賜祕器朝服一具衣一襲錢三十萬絹布各百匹以供喪事謚曰元有子六人長子默嗣次質舒詡稱子位竝列卿鄭舒墓碣曰晉故大司農關中侯鄭舒夫人城陽列卿鄭舒墓碣曰晉故大司農關中侯鄭舒夫人城陽奴中郎將鷹揚將軍并州刺史營鄭舒夫人城陽女夫人年鄭舒夫人城陽下世說排調篇注晉諸公贊曰默弟質為衛尉卿魏志鄭渾傳注晉諸公贊曰默弟質詡舒皆為卿案傳贊以詡為舒兄與本傳異

默字思元起家祕書郎考覈舊文刪省浮穢御覽二百三十三王

隱晉書曰刪省舊文除其浮穢著魏中經初學記十二引作中經簿隋經籍志序曰魏祕書郎鄭默始制中經

中書令虞松謂曰而今而後朱紫別矣轉尙書考功郎

專典伐蜀事封關內侯遷司徒左長史武帝受禪與太

原郭弈俱爲中庶子朝廷以太子官屬宜稱陪臣默上

言皇太子體皇極之尊無私於天下宮臣皆受命天朝

不得同之藩國事遂施行出爲東郡太守值歲荒人饑

書鈔七十四引王隱晉書作出爲吳郡太守吳民飢死案吳郡爲東郡之謫默輒開倉振給

乃舍都亭自表待罪書鈔三十九王隱晉書曰出郡自待罪朝廷嘉默憂

國詔書褒歎書鈔三十九引王隱晉書國下有卹民比二字御覽二百六十一引王書歎作勸

之汲黯班告天下若郡縣有此比者皆聽出給入爲散

騎常侍初帝以貴公子當品鄉里莫敢與爲輩求之州

內于是十二郡中正僉共舉默文帝與褒書曰周家祿校勘記

日褒誤衰小兒得廁賢子之流愧有竊賢之累及武帝出祀

南郊詔使默驂乘書鈔五十八王隱晉書曰世祖祀因南郊侍中已陪乘詔曰使鄭常侍

謂默曰卿知何以得驂乘乎昔州里舉卿相輩常愧有

累清談書鈔五十八引王隱晉書州里作州內相輩遂問輩作同輩類聚四十八引王書亦作相輩

政事對曰勸穡務農爲國之基選人得才濟世之道居

官久職政事之宜明慎黜陟勸戒之由崇尚儒素化導

之本如此而已矣帝善之後以父喪去官尋起爲廷尉

是時鬲令袁毅坐交通貨賂大興刑獄在朝多見引逮

唯默兄弟以潔慎不染其流遷太常魏志鄭渾傳注晉諸公贊曰默遵守

家業以篤素稱位至太常案本傳默時僕射山濤欲舉

轉光祿勳卒傳暢言位至太常誤也一親親爲博士書鈔五十三引王隱謂默曰卿似尹翁

歸令吾不敢復言默爲人敦重柔而能整皆此類也及

齊王攸當之國下禮官議崇錫典制博士祭酒曹志等

竝立異議默容過其事坐免尋拜大鴻臚遭母喪舊制

既葬還職御覽五百四十五引干寶晉紀曰有司依常使還攝職默自陳懇至久

而見許遂改法定令聽大臣終喪自默始也服闋爲大

司農轉光祿勳御覽二百二十九晉中興書曰轉光祿勳寬冲博愛不以聲色矜人雖卒徒廝

養之人皆太康元年卒讀史舉正曰案上文云聽大臣遇之以恩終喪自默始也本紀太康七年始制大臣終喪三年則時年六十八諡曰成尚書令衛是元年爲九年之誤

璿奏默才行名望宜居論道五升九卿位未稱德宜贈

三司而后父楊駿先欲以女妻默子豫

御覽五百四十一引王隱晉書

作默曰吾每讀雋不疑傳常想其人畏遠權貴奔世所預默曰吾每讀雋不疑傳常想其人畏遠權貴奔世所守遂辭之駿深爲恨至此駿議不同遂不施行默寬沖博愛謙虛溫謹不才地矜物事上以禮遇下以和雖僮豎厮養不加聲色而猶有嫌怨故士君子以爲居世之難子球

球字子瑜

魏志鄭渾傳注晉諸公贊曰默子球清直有理識

少辟宰府入侍二

宮成都王爲大將軍起義討趙王倫球自頓丘太守爲
右長史以功封平壽公累遷侍中尙書散騎常侍中護
軍尙書右僕射領吏部永嘉二年卒追贈金紫光祿大
夫諡曰元球弟豫永嘉末爲尙書

李脗

李脗字宣伯

御覽四百十二引王隱晉書作李徹字宣伯案宋人避諱故改脗爲徹

遼東

襄平人也祖敏漢河內太守去官還鄉里遼東太守公

孫度欲彊用之敏乘輕舟浮滄海莫知所終脗父信追

求積年

御覽四百十二引王隱晉書作爲賊所迫逐不知所終其子追索厯年

浮海出塞

竟無所見欲行喪制服則疑父尙存情若居喪而不聘

娶後有鄰居故人與其父同年者亡因行喪制服燕國

徐邈與之同州里以不孝莫大於無後勸使娶妻既生

胤遂絕房室恆如居喪禮不堪其憂數年而卒胤既幼

孤母又改行

御覽四百十二主隱晉書曰徽母更適牽招徽不識父母又改行

有識之

後降食哀戚

御覽四百十二引王隱晉書哀戚作哀感

亦以喪禮自居又以

祖不知存亡設木主以事之由是以孝聞

御覽四百十二引王隱晉

書作由

容貌質素黧然若不足者而知度沈遽言必有

則

書鈔六十九引王隱晉書質素作簡素沈遽作深遽有則作有中

初仕郡上計掾州

辟部從事治中舉孝廉參鎮北軍事遷樂平侯相政尚

清簡入爲尚書郎遷中護軍司馬吏部郎銓綜廉平

類聚

四十八王隱晉書曰脗爲吏部郎精慎選舉號爲廉平

案書鈔三十七

引作吏部尙書蓋脗後亦官尙書也

賜爵關內一本侯出補安豐太守文帝引爲大將軍從

事中郎遷御史中丞恭恪直繩

書鈔六十二引臧榮緒晉書恭恪作恭儉百

官憚之伐蜀之役爲西中郎將督關中諸軍事後爲河

南尹封廣陸伯

讀史舉正曰案本書地理志無廣陸

泰始初拜尙書進爵

爲侯脗奏以爲古者三公坐而論道內參六官之事外

與六卿之教或處三槐兼聽獄訟稽疑之典謀及卿士

陛下聖德欽明垂心萬機猥發明詔儀刑古式雖唐虞

疇諮周文翼翼無以加也自今以往國有大政可親延

羣公詢納讜言其軍國所疑延詣省中使侍中尙書諮

論所宜若有疾疢不任覲會臨時遣侍臣訊訪詔從之

遷吏部尚書僕射尋轉太子少傅

書鈔三十七晉諸公贊曰爲吏部尚書正

身率職不傾不撓故能行其所見遂定選例又六十引作遂刊定選制著爲令又一條引作居職行其所見具上議也文選讓開府表注引王隱晉書作稍遷至尙書僕射轉光祿大夫案本傳不載爲光祿大夫從略

以胤忠允高亮有匪躬之節使領司隸校尉胤屢自表讓忝傅

儲宮不宜兼監司之官武帝以二職竝須忠賢故每不

許咸寧初皇太子出居東宮帝以司隸事任峻重

書鈔六十

一王隱晉書日上以司隸內而少傅有旦夕輔導之務正百僚外督刑畿事任峻重

胤素羸不宜久勞之轉拜侍中加特進俄遷尙書令侍

中特進如故胤雖歷職內外而家至貧儉

類聚四十八引王隱晉書

作雖歷職內外而在兒病無以市藥帝聞之賜錢十萬
公退食家室至貧儉

其後帝以司徒舊丞相之職詔以脗爲司徒

御覽二百八荀勗答

詔曰咸寧四年司徒何曾遷太宰詔問勗司徒處當得人副遠近之望并治事見才誰可也勗表三公具瞻之望誠不可用非其人昔魏文帝用賈詡爲公孫權笑之尙書合李允忠亮高潔限處台輔案宋人避諱故又改脗爲在位五年簡亮持重稱爲任職以吳會初平大臣多有勦勞宜有登進乃上疏遜位帝不聽遣侍中宣旨優詔敦諭絕其章表脗不得已起視事太康三年薨詔遣御史持節監喪致祠諡曰成皇太子命舍人王贊誄之

隋志有散騎常侍王讚集五卷兩唐志同王贊當卽王讚

文義甚美帝後思脗清

節詔曰故司徒李脗太常彭灌竝履忠清儉身沒家無

餘積賜脣家錢二百萬穀千斛灌家半之三子固真長

修固字萬基散騎郎唐書宰相世系表十一先脣卒固子

志嗣脣志字彥道歷位散騎侍郎建威將軍陽平太守

真長位至太僕卿世說賞譽篇上曰馮蓀與那喬俱司徒李脣外孫及脣子順並知名注晉

諸公贊曰順字曼長仕至太僕卿案真長當為順之字本傳以字行惟晉贊又作曼長必有一誤

修黃門侍郎太弟中庶子

盧欽 子浮 弟珽 珽子志 志子謙

盧欽字子若范陽涿人也祖植漢侍中父毓魏司空魏志

盧毓傳曰毓字子家父植有名於世毓封容城侯薨謚成侯注續漢書曰植字子幹有四子毓最小唐宰相世

系表十三上曰世以儒業顯欽清澹有遠識篤志經史毓三子欽簡班

書鈔五十九初學記十一舉孝廉不行魏大將軍曹爽

均引虞預晉書曰少好學辟為掾爽弟嘗有所屬請欽白爽子弟不宜干犯法度

爽深納之而罰其弟除尚書郎爽誅免官後為侍御史

襲父爵大利亭侯錢大昭三國志辨疑曰盧毓傳毓封

侯高貴鄉公即位封一子高亭侯而晉書盧欽傳曰欽

父毓欽襲父爵大利亭侯以吏部尚書進封大梁侯卒

子浮嗣魏志作孫藩嗣晉書作子欽襲魏志作容城侯

晉書作大利亭侯二說不同竊疑藩所嗣封者容成侯

也欽所襲者即魏志所謂封一子高亭侯是也晉書蓋

誤併二侯為一案錢氏所疑甚是惟高亭與大利亭必

有一累遷琅邪太守宣帝為太傅辟從事中郎出為陽

平太守遷淮北都督伏波將軍甚有稱績徵拜散騎常

侍大司農遷吏部尚書進封大梁侯武帝受禪以為都

督河北諸軍事平南將軍假節給追鋒輅卧車各一乘

書鈔一百三十九虞預晉書曰盧欽爲江北都督諸軍

事平南將軍假節給追鋒車卧車各一乘案傳作河北

虞書作江北以傳上文淮北都督證之則此句當作江北時尙在平吳之前故又加平南將軍也 第二

駙馬二乘騎具刀器御府人馬鎧等及錢三十萬欽在

鎮寬猛得中疆場無虞入爲尙書僕射加侍中奉車都

尉領吏部

魏志盧毓傳注世語曰欽素始中爲尙書僕射領選

以清貧特賜絹百

匹欽舉必以材稱爲廉平

書鈔五十九初學記十一文選王文憲公集序注御覽二

百十四引虞預晉書曰欽清實選舉稱爲廉平

咸寧四年卒詔曰欽履道清正

執德貞素文武之稱著于方夏入躋機衡惟允庶事肆

勤内外有匪躬之節不幸薨沒朕甚悼之其贈衛將軍

事四海之人莫不荷賴矣逆寇縱肆猾擾荆楚今公埽
清羣難南土以寧振旅而旋頓軍關外文服入朝此霸
王者之事也穎不納及父死穎表志爲中書監留鄴參
署相府事乘輿敗於蕩陰穎遣志督兵迎帝及王浚攻
鄴志勸穎奉天子還洛陽時甲士尙萬五千人志夜部
分至曉眾皆成列而程太妃戀鄴不欲去穎未能決俄
而眾潰唯志與子謐兄子緄隋志故事類盧緄晉八王
故事十卷注云廷尉唐志
作十二卷晉四王起事四卷舊唐志誤作殿中武賁千
四王起居水經濟水注九引誤作盧林
人而已志復勸穎早發時有道士姓黃號曰聖人大妃
信之及使呼入道士求兩杯酒飲訖拋杯而去於是志

計始決而人馬復散志於營陣間尋索得數乘鹿車

書鈔

一百四十晉四王起事曰盧志奏云御雲母車輿案此惠帝還洛時事故傳聞異詞

司馬督韓玄

收集黃門得百餘人志入帝問志曰何故

一作散敗至

此志曰賊去鄴尙八十里而人士一朝駭散太弟今欲

奉陛下還洛陽帝曰甚佳於是御犢車便發屯騎校尉

郝昌先領兵八千守洛陽帝召之至汲郡而昌至兵杖

甚盛志喜於復振啟天子宜下赦書與百姓同其休慶

既達洛陽志啟以滿奮爲司隸校尉

讀史舉正曰按帝幸鄴後上官已等

守洛陽縱暴河南尹周馥與司隸滿奮謀除之

奔散者

謀泄奮被害事見馥傳安得還洛時尙在乎多還百官粗備帝悅賜志絹二百匹絲百斤衣一襲鶴

綾袍一領

書鈔一百二十九引晉四王起事一領作一襲

初河間王顥聞王浚

起兵遣右將軍張方救鄴方聞成都軍敗頓兵洛陽不敢進縱兵虜掠密欲遷都長安將焚宗廟宮室以絕人心志說方曰昔董卓無道焚燒洛陽怨毒之聲百年猶存何爲襲之乃止方遂逼天子幸其壘帝垂泣就輿唯志侍側曰陛下今日之事當一從右將軍臣驚怯無所云補唯知盡微誠不離左右而已停方壘三日便西志復從至長安穎被黜志亦免官及東海王越奉迎大駕顥啟帝復穎還鄴以志爲魏郡太守加左將軍隨穎北鎮行達洛陽而平昌公模遣前鋒督護馮嵩距穎穎還

長安未至而聞顓斬張方求和於越穎住華陰志進長
安詣闕陳謝卽還就穎于武關奔南陽復爲劉陶所驅
迴詣河北及穎薨官屬奔散唯志親自殯送時人嘉之
越命志爲軍諮祭酒遷衛尉永嘉末轉尙書洛陽沒志
將妻子北投并州刺史劉琨至陽邑爲劉粲所虜與次
子謚詵等俱遇害于平陽長子謚唐宰相世系表十三
上曰志三子謚謚詵
元和姓纂三
誤謚爲謀

謚字子諒清敏有理思好老莊善屬文

魏志盧毓傳注
晉諸公贊曰志

子謚字子諒溫嶠表稱謚清出有文思又謚別傳曰選
謚善著文章文選覽古詩注徐廣晉紀曰謚有才理

尙武帝女滎陽公主拜駙馬都尉未成禮而公主卒

讀史

舉正日華恒傳又云尙武帝女榮陽公主必有一誤後州舉秀才辟太尉掾洛陽

沒隨志北依劉琨文選答盧謐詩注王隱晉書曰琨與永嘉中爲并州刺史與盧志親善

志俱爲劉粲所虜粲據晉陽留謐爲參軍琨收散卒引

猗盧騎還攻粲粲敗走謐得赴琨先父母兄弟在平陽

者悉爲劉聰所害文選答盧謐詩注引何法盛琨爲司

空以謐爲主簿文選答盧謐詩注王隱晉書曰志子謐琨先辟之轉從事中郎

琨妻卽謐之從母旣加親愛又重其才值建興末隨琨

投段匹磾匹磾自領幽州取謐爲別駕文選答盧謐詩注王隱晉書曰

段匹磾領幽州牧匹磾旣害琨尋亦敗喪時南路阻絕謐求爲匹磾別駕

段末波在遼西謐往投之元帝之初末波通使于江左

諶因其使抗表理理文旨甚切於是卽加弔祭累徵諶

爲散騎中書侍郎

御覽二百二十四晉起居注曰大興四年詔曰今以前司空從事中郎盧

諶爲散騎侍

而爲末波所留遂不得南渡

文選覽古詩注徐廣晉紀

郎在員外

日段末波愛其才託以道險終不遣之

末波死弟遼代

魏志盧毓傳注引諶別傳南渡作南赴

立諶流離世故且二十載石季龍破遼西復爲季龍所

得以爲中書侍郎國子祭酒侍中中書監屬冉閔誅石

氏諶隨閔軍于襄國遇害時年六十七是歲永和六年

也諶名家子早有聲譽才高行潔爲一時所推值中原

喪亂與清河崔悅潁川荀綽河東裴憲北地傅暢並淪

陷非所雖俱顯于石氏恆以爲辱

劉羣傳曰時勒及季龍得公卿人士多殺

之其見擢用終至大官者惟有河東裴憲渤海石璞萊

陽鄭系潁川荀綽北地傅暢及羣悅謹等十餘人而已

謹每謂諸子曰唐宰相世系表十三上曰謹五子助疑

北吾身沒之後但稱晉司空從事中郎爾撰祭法隋志

盧謹祭法六卷通志略二作盧謹注莊子及文集隋志

有司空從事中郎盧謹集十卷注云梁有錄一卷皆行於世悅字道儒魏司空

林曾孫劉琨妻之姪也與謹俱為琨司空從事中郎後

為末波佐史沒石氏亦居大官石季龍載記上曰遠左

崔悅等封其府庫遣使請降魏書崔玄伯傳曰祖悅仕

石虎官至司徒左長史關內侯悅與謹並以博藝著名

謹法鍾繇悅法衛瓘而俱習索靖之草皆盡其妙謹傳

子偃偃傳字德儒封安陽鄉侯薨諡孝侯子述嗣注引晉

諸公贊述弟隨林孫瑋不知悅為何人子孫惟林字德

儒悅不應字道
其綽憲暢竝別有傳

華表

子廙 廙子恆 廙弟嶠

華表字偉容

書鈔五十六引王隱平原高唐人也父歆

魏志華歆傳曰歆字子魚清德高行為魏太尉表年二

十拜散騎黃門郎

魏志華歆傳注御覽二百二十四華

同僚諸郎共平尚書事年少並兼厲鋒氣要君名譽尚
書事至或有不便故遺漏不視及傳書者去即入深文
論駁惟表不然事來有不便輒與尚書共論盡其意主
者固執不得已然後共奏議司空陳泰等以此稱之後
漢書七十一注引華嶠譜序累遷侍中正元初石苞來

朝盛稱高貴鄉公以為魏武更生時聞者流汗沾背

御覽

三百八十七王隱晉書曰侍中石苞朝出表問
國家何如苞曰武帝更生也表聞汗出沾背

表懼禍

作頻稱疾歸下舍故免於大難後遷尚書五等建封觀

陽伯

案魏志三少帝紀注引魏書奏永宣宮有博平侯臣表三國志攷證謂即華表惟事在嘉平六年表

時爲侍中

既已封侯乃本傳於還尚書之後云封觀陽

伯疑有外誤

然司馬瓌初封亭侯改鄉侯又封固始子

是亭侯鄉侯向在子爵之下或表之博平侯亦爲鄉侯亭侯注引魏書脫一字耳坐供給喪事

不整免泰始中拜太子少傅轉光祿勳遷太常卿御覽二百

二十八臧榮緒晉書曰咸熙五年詔曰華表清賢履數道內貞外順歷位忠恪言行不玷其以表爲太常卿

歲以老病乞骸骨書鈔五十六王隱晉書曰詔曰表清名自退靜上表乞致仕

貞履素有老成之美久幹王事靜恭匪懈而以疾固辭

章表懇至今聽如所上以爲太中大夫案魏志華歆傳注引華嶠譜敘

作稱疾致仕拜光祿大夫與本傳異賜錢二十萬牀帳褥席祿賜與卿同

書鈔五十六引王隱晉書作秩與卿同門施行馬表以苦節垂名司徒李

膺司隸王宏等竝歎美表清澹退靜以爲不可得貴賤

而親疏也魏志華歆傳注華嶠譜敘曰性清談常慮天下類屬退理司徒李膺司隸王宏等常稱曰

若此人者不可得而貴不可得而賤不可得而疏晉書校文三曰宏字正宗太康中代劉毅爲司隸見良吏傳

華嶠譜敘則作王密及密咸寧元年八月卒時年七十爲司隸在元康中恐反誤

二謚曰康詔賜朝服有六子庾岑嶠鑒澹簡書鈔五十

書華簡傳曰簡字奉駿有智器文藻以遷中書郎魏志華歆傳注引華嶠譜敘曰表有三子案三爲六之謫周

家祿校勘記曰下當補澹子軼別有傳六字

庾字長駿弘敏有才義魏志華歆傳注晉諸公贊曰庾有文翰妻父盧毓

典選難舉姻親故庾年三十五不得調晚爲中書通事

郎泰始初遷冗從僕射少爲武帝所禮厯黃門侍郎散騎常侍前軍將軍侍中南中郎將都督河北諸軍事父疾篤輒還仍遭喪舊例葬訖復任廩固辭廷旨初表有賜客在帛使廩因縣令袁毅錄名三客各代以奴及毅以貨賕致罪獄辭迷謬不復顯以奴代客直言送三奴與廩而毅亦盧氏壻也又中書監荀勗先爲中子求廩女廩不許爲恨因密啟帝以袁毅貨賕者多不可盡罪宜責最所親者一人因指廩當之又緣廩有違忤之咎遂于喪服中免廩官削爵土大鴻臚何遵奏廩免爲庶人不應襲封請以表世孫混嗣表有司奏曰廩所坐除

名削爵一時之制虞爲世子著在名簿不聽襲嗣此爲
刑罰再加諸侯犯法入議平處者褒功重爵也嫡統非
犯終身棄罪廢之爲重依律應聽襲封詔曰諸侯薨子
踰年卽位此古制也應卽位而廢之爵命皆去矣何爲
罪罰再加且吾之責虞以肅貪穢本不論常法也諸賢
不能將明此意乃更詭易禮律不顧憲度君命廢之而
羣下復之此爲上下正相反也於是有司奏免議者官
詔皆以贖論混以世孫當受封逃避斷髮陽狂病瘖不
能語故得不拜世咸稱之虞棲遲家巷垂十載教誨子
孫勞格校勘記曰下文云太康初大赦乃得襲封講誦
案自咸寧元年至太康初祇五年非十年也

經典集經書要事名曰善文行於世與陳勰共造豬闌
於宅側帝嘗出視之間其故左右以實對帝心憐之帝
後又登陵雲臺望見廩苜蓿園阡陌甚整依然感舊太
康初大赦乃得襲封久之拜城門校尉遷左衛將軍數
年以爲中書監書鈔五十七傳暢晉贊二職入曰華廩
爲中書監時戎事多不泄廩啟世祖召
受子薈筆草詔
息組書草詔傳祇爲監病風年老復使息暢書啟事前
後相承以子弟管之自此議始也惠帝卽位加侍中光祿大夫尙書令

進爵爲公廩應楊駿召不時還有司奏免官尋遷太子
少傅加散騎常侍動遵禮典得傳導之義書鈔六十五
引王隱晉書
得上有
甚字
後年衰病篤詔遣太醫療病進位光祿大夫開

府儀同三司

案魏志華歆傳注引晉諸公贊時河南尹作追贈光祿大夫開府與傳異

韓壽因託賈后求以女配虞孫陶虞距而不許后深以

爲恨故遂不登台司年七十五卒諡曰元三子混蒼恆

魏志華歆傳注引晉諸公贊世語均作昆案混恐爲昆之譌元和姓纂九作虞生垣垣亦爲恆之譌

混字敬倫

周家祿校勘記曰子目無混宜附虞傳

嗣父爵清貞簡正

魏志華歆

傳注晉諸公贊曰昆清粹有檢

歷位侍中尚書卒官子陶嗣補鞏令沒

於石勒

蒼字敬叔

周家祿校勘記曰子目無蒼宜附虞傳

爲河南尹與荀藩荀組

俱避賊至臨潁父子竝遇害

恆字敬則博學以清素爲稱

魏志華歆傳注世語曰恆字敬則以通理稱 尚

武帝女滎陽長公主拜駙馬都尉元康初東宮建恆以
選爲太子賓友賜爵關內侯食邑百戶辟司徒王渾倉
曹掾屬除散騎侍郎累遷散騎常侍北軍中候俄拜領
軍加散騎常侍愍帝卽位以恆爲尙書進爵苑陵縣公
頃之劉聰逼長安詔出恆爲鎮軍將軍領潁川太守以
爲外援恆與合義軍得二千人未及西赴而關中陷沒
時羣一作郡賊方盛所在州郡相繼奔敗恆亦欲棄郡東
渡而從兄軼爲元帝所誅以此爲疑先書與驃騎將軍
王導導言於帝帝曰兄弟罪不相及況羣從乎卽召恆
補光祿勳恆到未及拜更以爲衛將軍加散騎常侍本

州大中正尋拜太常議立郊祀尙書刁協國子祭酒杜

彝

儒林傳
作杜夷

議須還洛乃修郊祀恆議漢獻帝居許卽便

郊崇宜於此修立司徒荀組驃騎將軍王導同恆議遂
定郊祀尋以疾求解詔曰太常職主宗廟烝嘗敬重而
華恆所疾不堪親奉職事夫子稱吾不與一作預祭如不

祭況宗伯之任職所司邪今轉恆爲廷尉頃之加特進
太監初遷驃騎將軍加散騎常侍督石頭水陸諸軍事
王敦表轉恆爲護軍疾病不拜授金紫光祿大夫又領
太子太保成帝卽位加散騎常侍領國子祭酒咸和初
以愍帝時賜爵進封一皆削除恆更以討王敦功封苑

陵縣侯復領太常蘇峻之亂恆侍帝左右從至石頭備
履艱危困悴踰年初恆爲州大中正鄉人任讓輕薄無
行爲恆所黜及讓在峻軍中任勢多所殺害見恆輒恭
敬不肆其虐鍾雅劉超之死亦將及恆讓盡心救衛故
得免及帝加元服又將納后寇難之後典籍靡遺婚冠
之禮無所依據恆推尋舊典撰定禮儀并郊廟辟雍朝
廷軌則事竝施用遷左光祿大夫開府常侍如故固讓
未拜會卒時年六十九冊贈侍中左光祿大夫開府謚
曰敬恆清恪儉素雖居顯列常布衣蔬食年老彌篤死
之日家無餘財唯有書數百卷時人以此貴之子俊嗣

爲尚書郎俊子仰之大長秋

嶠字叔駿才學深博少有令聞文帝爲大將軍辟爲掾

屬補尚書郎轉車騎從事中郎秦始皇初賜爵關內侯遷

太子中庶子出爲安平太守

讀史舉正曰案安平國也不當有太守

辭親

老不行更拜散騎常侍典中書著作領國子博士遷侍

中太康末武帝頗親宴樂又多疾病屬小瘳嶠與侍臣

表賀因微諫曰伏惟聖體漸就平和上下同慶不覺抃

舞臣等愚戇竊有微懷以爲收功於所忽事乃無悔慮

福於垂成祚乃日新唯願陛下深垂聖明遠思所忽之

悔以成日新之福沖靜和氣嗇養精神頤身於清簡之

字留心於虛曠之域無厭世俗常戒以忽羣下之言則
豐慶日延天下幸甚帝手詔報曰輒自消息無所爲慮
元康初封宣昌亭侯誅楊駿改封樂鄉侯遷尙書後以
嶠博聞多識屬書典實有良史之志轉祕書監加散騎
常侍班同中書寺爲內臺中書散騎著作及治禮音律

天文數術南省文章門下撰集皆典統之

書鈔五十八
御覽二百二

十四華嶠集曰詔曰散騎以從容侍從承答顧問爲職
又掌贊詔命平處文籍故前世多參用言語文學之士
以入參贊詔命平處文籍故前世多參用言語文學之士
爲散騎常侍兼與中書共參著作事嶠表謝云非臣典
筆申辭所能陳謝又二百三十二華嶠集詔曰尙書嶠
體素宏簡文雅該通經覽古今博聞多識屬書實錄有
良史之志故轉爲祕書監其加散騎常侍使中書散騎
著作及治禮考律天文數術南省文章門下撰集皆典

領之嶠表伏見詔書以臣爲祕書監加位常伯昔劉向父子世典史籍馬融通博三入東觀非臣膚淺所敢投跡案兩引詔書及表文詞俱不初嶠以漢紀煩穢慨然同蓋於一篇之中節取分載也

有改作之意會爲臺郎典官制事由是得徧觀祕籍遂就其緒起于光武終於孝獻一百九十五年爲帝紀十二卷皇后紀二卷十典十卷傳七十卷及三譜序傳目錄凡九十七卷

隋志曰漢後書十七卷本九十七卷今殘缺唐志作三十一卷書鈔九十七卷引華嶠集序作後漢書百卷高似孫史略曰華嶠後漢書九十七篇唐得三十一篇十七史商榷四十八日案史通云帝紀十二皇后紀二三譜十典列傳七十總十嶠七篇此云三譜序傳目錄似各爲一卷與史通異

以皇后配天作合前史作外戚傳以繼末編非其義也故易爲皇后紀以次帝紀又改志爲典

史通書志篇曰華嶠曰典魏收

上後魏書十志啟曰叙發編刪緝後劉紹統嗣得削撰季漢十志實範遷固表蓋闕焉案嶠已改志爲典而魏收猶稱爲志者以有堯典故也而改名漢後書奏之詔

朝臣會議時中書監荀勗令和嶠太常張華侍中王濟

咸以嶠文質事核有遷固之規實錄之風藏之祕府史

敘例篇曰華嶠後漢多同班氏如劉平江革等傳其序先言孝道次述毛義養親此則前漢王貢傳體其篇以四皓爲始也嶠言辭簡質敘致溫雅味其宗旨亦孟堅之亞歟內篇曰班固華嶠子長之流又曰創傳紀者五家推其所長華氏居最外篇曰嶠刪東觀記爲漢後書魏志華歆傳注晉諸公贊曰撰後漢書世稱爲良史書鈔九十九華嶠集序曰張華等稱其有良史之才足以繼述遷固乃藏之祕府與三史並流後太尉

汝南王亮司空衛瓘爲東宮傅列上通講事遂施行嶠所著論議難駁詩賦之屬數十萬言隋志華嶠集八卷注云梁二卷唐志

亦二其所奏官制太子宜還宮及安邊雩祭明堂辟雍

卷二 浚導河渠巡禹之舊跡置都水官修蠶宮之禮置長秋

事多施行元康三年卒追贈少府諡曰簡嶠性嗜酒率

常沈醉所撰書十典未成而終祕書監何劭奏嶠中子

徹爲佐著作郎使踵成之未竟而卒後監繆徵御覽二百三十

四引王隱晉書作繆徵案繆徵見賈謐傳此作徵誤又奏嶠少子暢爲佐著作郎

克成十典并草魏晉紀傳與著作郎張載等俱在史官

永嘉喪亂經籍遺沒嶠書存者五十餘卷五亦作三十

十八日史通云晉室東徙十惟嶠有三子頤徹暢頤嗣

一存然則作三十餘卷者是也官至長樂內史讀史舉正曰案本書地理志無長樂郡

國而本紀太康五年二月立南宮王子

玷爲長樂王則是晉暢有才思所著文章數萬言遭寇初有此國其後省耳亂避難荊州爲賊所害時年四十

石鑒

石鑒

案魏志三少帝紀注引魏書奏永宣宮有御史中丞臣鈐以本傳下文應官攷之當卽石鑒三國志

攷證謂鈐爲鑒之誤是也字林伯樂陵厭次人也出自寒素雅志公

亮仕魏歷尙書郎侍御史

書鈔六十二繆世應石鑒碑云君爲治書侍御史鷹跔虎

視而庶僚風靡又云君爲治書侍御史朝廷以公雅節不羣直方其道頻居爪牙之任

尙書左丞

御史中丞多所糾正朝廷憚之出爲并州刺史假節護

匈奴中郎將武帝受禪封堂陽子

讀史舉正曰案堂陽前漢屬鉅鹿後漢屬

安平晉地理志無

入爲司隸校尉轉尙書時秦涼爲虜所敗遣

鑒都督隴右諸軍事坐論功虛僞免官後爲鎮南將軍
豫州刺史坐討吳賊虛張首級詔曰昔雲中守魏尙以
斬首不實受刑武牙將軍田順以詐增虜獲自殺誣罔
敗法古今所疾鑒備大臣吾所取信往者西事公欺朝
廷以敗爲得竟不推究中間黜免未久尋復授用冀能
補過而乃與下同詐所謂大臣義得爾乎有司奏是也
顧未忍耳今遣歸田里終身不得復用勿削爵土也久
之拜光祿勳復爲司隸校尉書鈔六十一減榮緒晉書
敢斷無疑爲稱日石鑒以才幹習於從政
再爲司隸校尉稍加特進遷右光祿大夫開府領司徒
讀史舉正曰案本紀自平吳後至太康末李胤山濤魏
舒王渾相繼爲司徒不見有鑒紀又云以右光祿大夫

石鑒爲司空然則鑒無領司徒事

前代三公冊拜皆設小會所以崇宰

輔之制也自魏末已後廢不復行至鑒有詔令會遂以

爲常太康末拜司空

武帝紀在太熙元年三月

領太子太傅武帝崩

鑒與中護軍張劭監統山陵時大司馬汝南王亮爲太傅楊駿所疑不敢臨喪出營城外時有告亮欲舉兵討駿駿大懼白太后令帝爲手詔詔鑒及張劭使率陵兵討亮劭駿甥也便率所領催鑒速發鑒以爲不然保持之遣人密覘視亮已別道還許昌於是駿止論者稱之山陵訖封昌安縣侯元康初爲太尉年八十餘克壯慷慨自遇若少年時人美之尋薨謚曰元子陋字處賤襲

封厯屯騎校尉

讀史舉正曰案本紀元康四年正月書

安昌公石鑒薨案安昌常作昌安以石

彭石定二墓碣證之則鑒固封公也傳誤石彭墓碣曰

晉故尚書征虜將軍幽州刺史城陽簡侯樂陵厭次都

鄉清明里石彭字處約侍中太尉昌安元公第二子也

明識清遠有倫理刑斷少受賜官大中大大夫關中侯除

南陽王文學太子洗馬尚書三公侍郎情斷大獄卅餘

條于時內外莫不歸當遷南陽王友廷尉正中書侍郎

時正直內省值楊駿作逆詔引彭式乾殿在事正色使

誅伐不撓雖體拜大將軍秦王長史計勳酬功進爵城

陽鄉侯入補尚書吏部郎疾病去職遷熒陽太守御史

中丞國清定大中正侍中彭屢奉告疾出爲大司農趙

王篡位左遷員外散騎常侍三王舉義惠皇帝反正拜

廷尉卿除征虜將軍幽州刺史軍事屢興於是罷武修

文城都城麟王遣熒陽太守和演代彭召爲河南尹自

表以疾權駐鄉里永嘉元年逆賊汲桑破鄴都之後遂

肆其凶暴東北其年九月五日奄見攻圍彭親率邑族

臨危守節義舊不同眾寡不敵七日城陷薨年六十二

天子嗟悼遣使者孔汭刑霸護喪二年七月十九日附

葬於皇考墓側神道之右太子定少子邁致命所在庶

溫羨

世說品藻篇注

溫氏譜序曰晉大夫卻至封於溫子孫因氏居太原祁縣爲郡著姓唐宰相世系表十二中曰序字次房後漢護羌校尉祖恢魏揚州刺史案魏志本傳恢字曼基爲丞相主簿出爲揚州刺史又爲侍中出爲魏郡太守遷涼州刺史此傳揚州當作涼州以最後者爲斷魏志作州當作涼州以最後者爲斷父恭濟南太守

兄弟六人竝知名於世號曰六龍羨少以朗寤見稱齊王攸辟爲掾遷尙書郎惠帝卽位拜豫州刺史入爲散騎常侍累遷尙書及齊王囧輔政以羨攸之故吏意特親之轉吏部尙書先是張華被誅囧建議欲復其官爵論者或以爲非羨駁之曰自天子已下爭臣各有差不得歸罪於一人也故晏子曰爲己死亡非其親昵誰能任之里克之殺二庶陳乞之立陽生漢朝之誅諸呂皆

積年之後乃得立事未有事主見存而得行其志於數月之內者也式乾之會張華獨諫上宰不和不能承風贊善望其指麾從命不亦難乎況今皇后譖害其子內難不預禮非所在且后體齊於帝尊同皇極罪在枉子事不爲逆義非所討今以華不能廢枉子之后與趙盾不討殺君之賊同而貶責之於義不經通也華竟得追復爵位其後以從駕討成都王穎有勳封大陵縣公邑千八百戶出爲冀州刺史加後將軍范陽王虓敗於許昌也自牧冀州羨乃避之惠帝之幸長安以羨爲中書令不就及帝還洛陽徵爲中書監加散騎常侍未拜會

帝崩懷帝卽位遷左光祿大夫開府領司徒論者僉謂
爲速在位未幾病卒贈司徒諡曰元有三子祇允裕祇
字敬齊太傅西曹掾允字敬咸太子舍人裕字敬嗣尙
武安長公主官至左光祿大夫

史臣曰晉氏中朝承累世之資建兼并之業衣冠斯盛
英彥如林此數公者或以雅望處台槐或以高名居保
傅自非一時之秀亦曷能至于斯惜其參緘於論道之
辰獨善於兼濟之日良圖顛議無足多談然退已進賢
林叔弘推讓之美自家刑國宣伯協恭孝之規子若之
儒素爲基偉容之苦節流譽慶垂來葉不亦宜哉石鑒

以公亮升溫羨以明寤顯屬于危亂不隕其名歲寒見松柏之後彫斯人之謂矣

贊曰讓矣密陵孝哉廣陸欽旣博雅表亦貞肅鑒績克宣溫聲載穆同鏘玉振爭芬蘭郁

晉書斟注卷四十四

晉書斟注卷四十五

錢塘吳士鑑

烏程劉承幹

同注

列傳第十五

劉毅

子職程衛周家祿校勘
記曰依傳暇下宜補總字

劉毅字仲雄東萊掖人漢城陽景王章之後父喈丞相

屬毅幼有孝行少厲清節然好臧否人物

世說德行篇注王隱晉書

曰亮直清方見有不善必詳論之

王公貴人

世說德行篇注引王望風

憚之僑居平陽太守杜恕請為功曹

世說德行篇注引王隱晉書平陽作

陽平御覽二百六十四亦作僑居陽平太守杜恕逼迫
舉毅為功曹案魏志恕本傳不言為平陽太守蓋承祚

脫沙汰郡吏百餘人

世說德行篇注引王隱晉書作三百餘人御覽二百六十四引王隱

晉書沙汰上有月餘二字

三魏稱焉爲之語曰但聞劉功曹不聞杜

府君魏末本郡察孝廉辟司隸都官從事京邑肅然毅

將彈河南尹司隸不許曰

御覽二百六十五引王隱晉書作彈河南尹事司隸徐不

過攫獸之犬鼯鼠蹈其背毅曰既能攫獸又能殺鼠何

損於犬投傳而去同郡王基薦毅於公府曰毅方正亮

直介然不羣言不苟合行不苟容往日僑仕平陽爲郡

股肱正色立朝舉綱引墨朱紫有分鄭衛不雜孝弟著

於邦族忠貞效於三魏昔孫陽取騏驎於吳坂秦穆拔

百里於商旅毅未遇知己無所自呈前已口白謹復申

請太常鄭袤舉博士文帝辟爲相國掾辭疾積年不就

時人謂毅忠於魏氏而帝怒其願望將加重辟毅懼應

命轉主簿武帝受禪爲尙書郎駙馬都尉遷散騎常侍

國子祭酒

書鈔六十七臧榮緒晉書武紀曰太始二年詔曰劉毅忠惠忠好古博學多聞其以毅爲散

騎常侍國子祭酒

帝以毅忠蹇正直使掌諫官轉城門校尉遷

太僕拜尙書坐事免官咸寧初復爲散騎常侍博士祭

酒轉司隸校尉糾正豪右京師肅然司部守令望風投

印綬者甚眾

書鈔六十一王隱晉書曰爲司隸校尉奏何曾劉實羊琇張施譚驥之類任其制所

犯狼籍司部守令事相連及望風投印綬者甚眾貴戚

斂手御覽四百二十八王隱晉書曰劉毅爲司隸校尉

言議切直無所回

時人以毅方之諸葛豐蓋寬饒皇太

僕故不至公輔

子朝鼓吹將入東掖門毅以爲不敬止之於門外

書鈔一百

三十引干寶晉紀作停門外

奏劾保傅以下詔赦之然後得入帝嘗

南郊禮畢喟然問毅曰卿以朕方漢何帝也對曰可方

桓靈帝曰吾雖德不及古人猶克己爲政

文選晉紀總論注引干寶

晉紀古人作古賢

又平吳會混一天下方之桓靈其已甚乎

初學

記九引臧榮緒晉書混一作一同其已作不亦

對曰桓靈賣官錢入官庫陛下

賣官錢入私門以此言之殆不如也帝大笑曰桓靈之

世不聞此言今有直臣故不同也散騎常侍鄒湛進曰

世談以陛下比漢文帝人心猶不多同昔馮唐答文帝

云不能用頗牧而文帝怒今劉毅言犯順而陛下歡然

以此相校聖德乃過之矣帝曰我平天下而不封禪焚
雉頭裘行布衣禮卿初無言今於小事何見褻之甚湛
曰臣聞猛獸在田荷戈而出凡人能之蜂蠆作於懷袖
勇夫爲之驚駭出於意外故也夫君臣有自然之尊卑
言語有自然之逆順向劉毅始言臣等莫不變色陛下
發不世之詔出思慮之表臣之喜慶不亦宜乎在職六
年遷尙書左僕射時龍見武庫井中帝親觀之有喜色
百官將賀毅獨表曰昔龍降鄭時門之外子產不賀龍
降夏庭沫流不禁卜藏其殽至周幽王禍釁乃發易稱
潛龍勿用陽在下也證據舊典無賀龍之禮詔報曰正

德未修誠未有以膺受嘉祥省來示以爲瞿然賀慶之
事宜詳依典義動靜數示尙書郎劉漢等議以爲龍體
旣蒼雜以素文意者大晉之行戢武興文之應也而毅
乃引衰世妖異以疑今之吉祥又以龍在井爲潛皆失
其意潛之爲言隱而不見今龍彩質明煥示人以物非
潛之謂也毅應推處詔不聽後陰氣解而復合毅上言
必有阿黨之臣姦以事君者當誅而不誅故也五行志中作當
誅而不毅以魏立九品權時之制未見得人而有八損
救也乃上疏曰晉書校文三曰以羣書治要中所載毅疏臣
校之脫二百五十餘字蓋傳有刪節也臣
聞立政者以官才爲本官才有三難而興替之所由也

書鈔七十三御覽二百六十八人物難知一也愛憎難防

五引劉毅論興替作治亂二也情偽難明三也今立中正定九品高下任意榮辱

在手操人主之威福奪天朝之權勢御覽二百六十五引劉毅集論九品

權勢作權柄愛憎決於心通典十四作愛惡隨心情偽由於己公無考

校之負通典十四引此句負作員當以員爲是私無告訐之忌用心百態

求者萬端廉讓之風滅苟且之俗成天下訥訥但爭品

位不聞推讓竊爲聖朝恥之夫名狀以當才爲清品輩

以得實爲平安危之要不可不明清平者政化之美也

枉濫者亂敗之惡也不可不察然人才異能備體者寡

器有大小達有早晚前鄙後修宜受日新之報抱正違

時宜有質直之稱度遠闕小宜得殊俗之狀任直不飾
宜得清實之譽行寡才優宜獲器任之用是以三仁殊
塗而同歸四子異行而均義陳平韓信笑侮於邑里而
收功於帝王屈原伍胥不容於人主而顯名於竹帛是
篤論之所明也今之中正不精才實務依黨利不均稱
尺務隨愛憎所欲與者獲虛以成譽所欲下者吹毛以
求疵高下逐強弱是非由愛憎隨世興衰不顧才實衰
則削下興則扶上一人之身旬日異狀或以貨賂自通
或以計協登進附託者必達守道者困悴無報於身必
見割奪有私於己必得其欲是以上品無寒門下品無

勢族暨時有之皆曲有故慢主罔時實爲亂源損政之

道一也置州都者取州里清議咸所歸服

通典十四將議誤作識

以鎮異同一言議不謂一人之身了一州之才一人不

審便坐之

通典十四作一人不審遂爲坐廢

若然自仲尼以上至於庖

犧莫不有失則皆不堪

通典十四作雖仲尼之聖莫不有過則可廢

何獨責

於中人者哉若殊不修自可更選今重其任而輕其人

所立品格還訪刁攸攸非州里之所歸非職分之所置

今訪之歸正於所不服決事於所不職以長讒構之源

以生乖爭之兆似非立都之本旨理俗之深防也主者

既善刁攸攸之所下而復選以二千石已有數人劉良

上攸之所下石公罪攸之所行駁違之論橫於州里通典

十四駁違嫌讎之隙結於大臣夫桑突之訟禍及吳楚

作是非作是鬪雞之變難興魯邦況乃人倫交爭而部黨興刑獄滋

生而禍根結損政之道二也本立格之體通典十四將

謂人倫有序若貫魚成次也爲九品者取下者爲格謂

才德有優劣倫輩有首尾今之中正務自遠者則抑割

一國使無上人穢劣下比則拔舉非次并容其身公以

爲格坐成其私通典十四成作徇君子無大小之怨官政無繩

姦之防使得上欺明主下亂人倫乃使優劣易地首尾

倒錯推貴異之器使在凡品之下通典十四凡負戴不

品作九品

肖越在成人之首損政之道三也陛下踐阼開天地之
德弘不諱之詔納忠直之言以覽天下之情太平之基
不世之法也然賞罰自王公以至於庶人無不加法置
中正委以一國之重無賞罰之防人心多故清平者寡
故怨訟者眾聽之則告訐無已禁絕則侵枉無極與其
理訟之煩猶愈侵枉之害今禁訟訴則杜一國之口培
一人之勢使得縱橫無所顧憚諸受枉者抱怨積直通典
十四直獨不蒙天地無私之德而長壅蔽于邪人之銓
使上明不下照下情不上聞損政之道四也昔在前聖
之世欲敦風俗鎮靜百姓隆鄉黨之義崇六親之行禮

教庠序以相率賢不肖於是見矣然鄉老書其善以獻

天子司馬論其能以官於職有司考績以明黜陟故天

下之人退而修本州黨有德義朝廷有公正浮華邪佞

無所容厝今一國之士多者千數或流徙異邦或取給

殊方

通典十四取給作給事

面猶不識況盡其才力而中正知與

不知其當品狀采譽於臺府

通典十四作將定品狀必採聲於臺府

納毀

於流言任已則有不識之蔽聽受則有彼此之偏所知

者以愛憎奪其平所不知者以人事亂其度既無鄉老

紀行之譽

通典十四譽作議

又非朝廷考績之課遂使進官之

人棄近求遠背本逐末

通典十四逐作趨

位以求成不由行立

品不校功黨譽虛妄損政五也

案以上四節損政下均

下均脫去

凡所以立品設狀者求人才以理物也非虛飾名

譽相爲好醜雖孝悌之行不施朝廷故門外之事以義斷恩既以在官職有大小事有劇易各有功報此人才之實效功分之所得也今則反之於限當報雖職之高還附卑品無績於官而獲高敘是爲抑功實而隆虛名也上奪天朝考績之分下長浮華朋黨之士損政六也凡官不同事人不同能得其能則成失其能則敗今品不狀才能之所宜

案通典十四品上有九字本傳誤脫

而以九等爲例以

品取人或非才能之所長以狀取人則爲本品之所限

若狀得其實猶品狀相妨繫繫選舉使不得精於才宜

況今九品所疏則削其長所親則飾其短徒結白論以

爲虛譽

通鑑晉紀注曰白素也釋素餐者以爲空餐白論猶空言也

則品不料能百

揆何以得理萬機何以得修損政七也前九品詔書善

惡必書以爲褒貶當時天下少有所忌今之九品所下

不彰其罪所上不列其善廢褒貶之義任愛憎之斷清

濁同流以植其私故反違前品大其形勢以驅動眾人

使必歸己進者無功以表勸退者無惡以成懲懲勸不

明則風俗汙濁天下人焉得不解德行而銳人事

案解當從

通典十損政八也由此論之選中正而非其人授權勢

四作懈

而無賞罰或缺中正而無禁檢故邪黨得肆枉濫縱橫
雖職名中正一爲姦府事名九品而有八損或恨結於
親親猜生於骨肉當身困於敵讎子孫離其殃咎斯乃
厯世之患非徒當今之害也是以時主觀時立法防姦
消亂靡有常制故周因於殷有所損益至于中正九品
上聖古賢皆所不爲豈蔽於此事而有不周哉將以政
從之宜無取於此也自魏立以來未見其得人之功而
生讎薄之累毀風敗俗無益於化古今之失莫大於此
愚臣以爲宜罷中正除九品棄魏氏之弊法立一代之
美制疏奏優詔荅之後司空衛瓘等亦共表宜省九品

復古鄉議里選帝竟不施行毅夙夜在公坐而待旦言

議切直無所曲撓爲朝野之所式瞻嘗散齋而疾其妻

省之

書鈔三十七引干寶晉紀作曾齋而疾御覽五百三十引干寶晉紀省作看

毅便奏加

妻罪而請解齋妻子有過立加杖捶其公正如此然以

峭直故不至公輔帝以毅清貧賜錢三十萬日給米肉

年七十告老久之見許以光祿大夫歸第門施行馬復

賜錢百萬

御覽二百四十三引干寶晉書作賜錢百三十萬

後司徒舉毅爲青

州大中正尙書以毅懸車致仕不宜勞以碎務陳留相

樂安孫尹表曰禮凡卑者執勞尊者居逸是順敘之宜

也司徒魏舒司隸校尉嚴詢與毅年齒相近往者同爲

散騎常侍後分授外內之職資塗所經出處一致今詢
管四十萬戶州兼董司百僚總攝機要舒所統殷廣兼
執九品銓十六州論議主者不以爲劇毅但以知一州
便謂不宜累以碎事於毅太優詢舒太少若以前聽致
仕不宜復與遷授位者故光祿大夫鄭袤爲司空是也
夫知人則哲惟帝難之尙可復委以宰輔之任不可諮
以人倫之論臣竊所未安昔鄭武公年過八十入爲周
司徒雖過懸車之年必有可川毅前爲司隸直法不撓
當朝之臣多所按劾諺曰受堯之誅不能稱堯直臣無
黨古今所悉是以汲黯死於淮陽董仲舒裁爲諸侯之

相而毅獨遭聖明不離輦轂當世之士咸以爲榮毅雖
身偏有風疾而志氣聰明一州品第不足勞其思慮毅
疾惡之心小過主者必疑其論議傷物故高其優禮令
去事實此爲几閣毅使絕人倫之路也臣州茂德惟毅
越毅不用則清談倒錯矣於是青州自二品已上光祿
勳石鑒等共奏曰謹按陳留相孫尹表及與臣等書如
左臣州履境海岱而參風齊魯故人俗務本而世敦德
讓今雖不充於舊而遺訓猶存是以人倫歸行士識所
守也前被司徒符當參舉州大中正僉以光祿大夫毅
純孝至素著在鄉閭忠允亮直竭於事上仕不爲榮惟

期盡節正身率道崇公忘私行高義明出處同揆故能
令義士宗其風景州閭歸其清流雖年耆偏疾而神明
克壯實臣州人士所思準繫者矣誠以毅之明格能不
言而信風之所動清濁必偃以稱一州咸同之望故也
竊以爲禮賢尙德教之大興王制奪與動爲開塞而士
之所歸人倫爲大臣等虛劣雖言廢於前今承尹書敢
不列啟按尹所執非惟惜名議於毅之身亦通陳朝宜
奪與大準以爲尹言當否應蒙評議由是毅遂爲州都
銓正人流清濁區別其所彈貶自親貴者始太康六年
卒武帝撫几驚曰失吾名臣不得生作三公卽贈儀同

三司

通典一百四作贈右使
尤祿大夫儀同三司

使者監護喪事羽林左監北

海王宮

勞格校勘記
日宮疑作寔

上疏曰中詔以毅忠允匪躬贈班

台司斯誠聖朝考績以毅著勳之美事也臣謹按謚者

行之迹而號者功之表今毅功德竝立而有號無謚於

義不體臣竊以春秋之事求之謚法主於行而不繼爵

通典一百

四繼作繫

然漢魏相承爵非列侯則皆沒而高行不加

之謚至使三事之賢臣不如野戰之將銘跡所殊臣願

聖世舉春秋之遠制改列爵之舊限

通典一百四作使
改近代之舊服

夫功行之實不相掩替則莫不率賴若以革舊毀制非

所倉卒則毅之忠益雖不攻城略地論德進爵亦應在

例臣敢惟行甫請周之義謹牒毅功行如右帝出其表

使八坐議之多同宮議奏寢不報二子瞰總

瞰字長升

書鈔六十引王隱晉書誤作劉瞰字長升

正直有父風

書鈔六十

贊曰遵其家業用心厲正

太康初爲博士會議齊王攸之國加崇典

禮瞰與諸博士坐議迂旨武帝大怒收瞰等付廷尉會

赦得出免一官初瞰父毅疾馮統姦佞欲奏其罪未果

而卒至是統位宦日隆瞰慨然曰使先人在不令統得

無患後爲酸棗令轉侍御史會司徒王渾主簿劉輿獄

辭連瞰將收付廷尉渾不欲使府有過欲距劾自舉之

與瞰更相曲直渾怒便遜位還第瞰乃奏渾曰謹按司

徒王渾蒙國厚恩備位鼎司不能上佐天子調和陰陽
下遂萬物之宜使卿大夫各得其所敢因劉輿拒扞詔
使私欲大府興長獄訟昔陳平不答漢文之問郗吉不
問死人之變誠得宰相之體也既興刑獄怨懟而退舉
動輕速無大臣之節請免渾官右長史楊丘亭侯劉肇
便辟善柔苟於阿順請大鴻臚削爵土諸聞瞰此奏者
皆歎美之其後武庫火尙書郭彰率百人自衛而不救
火瞰正色詰之彰怒曰我能截君角也瞰勃然謂彰曰
君何敢恃寵作威作福天子法冠而欲截角乎求紙筆
奏之彰伏不敢言眾人解釋乃止

書鈔三十七晉諸公
贊曰尙書郭彰呵瞰

不敢絕君角叙賦賦計我刊刊能能裁裁君君解解后后職職厲厲色色曰曰天子
法官而索截角叙賦賦計我刊刊能能裁裁君君解解后后職職厲厲色色曰曰天子
奏之彰伏坐上不敢與校叙賦賦計我刊刊能能裁裁君君解解后后職職厲厲色色曰曰天子
職嚴直名望聞於內外又一百二十七引晉諸公贊曰
劉職爲侍御史修復庫事及軍器尙書郭彰豪強職小
官上呵之彰曰我不能截君角耶以侍御史著法官有
兩角故上共也通典二十四言武庫失火郭彰與職典
知修復彰以功程之間呵職案彰之呵職實因修庫非
爲救火也本彰久貴豪侈每出輒從百餘人自此之後
傳敘事脫漏彰久貴豪侈每出輒從百餘人自此之後
務從簡素職遷太原內史趙王倫篡位假征虜將軍不
受與三王共舉義惠帝復阼職爲左丞正色立朝三臺
清肅尋兼御史中丞奏免尙書僕射東安公繇讀史舉
文公當作王又此事在趙王篡位惠帝復阼之後東安
王傳失之晉書校文三曰武英殿本作東海公攷證云
海一本作安按東安公繇爲及王粹董艾等十餘人朝
宣帝孫本書有傳作海顯誤

廷嘉之遂卽眞遷中庶子左衛將軍司隸校尉奏免武陵王澹及何綏劉坦溫畿李叵等長沙王乂討齊王冏
瞰豫謀封朱虛縣公千八百戶乂死坐免頃之復爲司隸及惠帝之幸長安也留瞰守洛陽河間王顥遣使鳩
羊皇后瞰乃與留臺僕射荀藩河南尹周馥等上表理
后無罪語在后傳顥見表大怒遣陳顏呂朗率騎五千
收瞰瞰東奔高密王略

晉書校文三曰略字子簡惠帝紀皆作高密王簡錢氏攷異據

爲以字行之證余謂實略之誤非以字行也此會劉根

傳獨作略與宗室傳合可證各處作簡之譌

作逆略以瞰爲大都督加鎮軍將軍討根瞰戰失利還

洛至酸棗值東海王越奉迎大駕及帝還洛羊后反宮

后遣使謝暉曰賴劉司隸忠誠之志得有今日以舊勳復封爵加光祿大夫暉妻前卒先陪陵葬子更生初婚家法婦當拜墓攜賓客親屬數十乘載酒食而行先是洛陽令王稜爲越所信而輕暉暉每欲繩之稜以爲怨時劉聰王彌屯河北京邑危懼稜告越云暉與彌鄉親而欲投之越嚴騎將追暉右長史傅宣明暉不然暉聞之未至墓而反以正義責越越甚慙及劉曜寇京師以暉爲撫軍將軍假節部督城守諸軍事曜退還尙書僕射越憚暉久居監司又爲眾情所歸乃以爲右光祿大夫領太子少傅加散騎常侍外示崇進實奪其權懷帝

又詔敕領衛尉加特進後復以敕爲司隸加侍中敕五爲司隸

讀史舉正曰案本傳止四爲司隸耳

允協物情故也王彌入洛百

官殲焉彌以敕鄉里宿望故免於難敕因說彌曰今英雄競起九州幅裂有不世之功者宇內不容將軍自興兵已來何攻不剋何戰不勝而復與劉曜不協宜思文種之禍以范蠡爲師且將軍可無帝王之意東王本州以觀時勢上可以混一天下下可以成鼎峙之事豈失孫劉乎蒯通有言將軍宜圖之彌以爲然使敕于青州與曹嶷謀且徵之敕至東阿爲石勒游騎所獲見彌與嶷書而大怒乃殺之敕有二子佑白佑爲太傅屬白太

子舍人白果烈有才用東海王越忌之竊遣上軍何倫
率百餘人入瞰第晉書校文三日常作上軍將爲劫取
財物殺白而去

總字弘紀好學直亮後叔父彪位至北軍中候

程衛字長玄廣平曲周人也少立操行彊正方嚴劉毅
聞其名辟爲都官從事毅奏中護軍羊琇犯憲應死武
帝與琇有舊乃遣齊王攸喻毅毅許之衛正色以爲不
可徑自馳車入護軍營收琇屬吏考問陰私先奏琇所
犯狼藉然後言於毅由是名振遐邇百官厲行遂辟公
府掾遷尙書郎侍御史在職皆以事幹顯補洛陽令厯

安定頓丘太守所蒞著績卒于官

和嶠

和嶠字長輿汝南西平人也祖洽魏尚書令

魏志和洽傳曰字陽

士封西陵鄉侯轉大常薨諡簡侯案魏志不言爲尚書令

父道魏吏部尚書

魏志和洽傳曰

子禽嗣禽弟適才爽開濟官至廷尉吏部尚書注引晉諸公贊曰和嶠適之子也案適爲道之誤三少帝紀曰

侍中和道作詩稽留世說方正篇嶠少有風格慕舅夏

侯立之爲人厚自崇重有盛名於世

魏志和洽傳注御覽四百七十一晉

諸公贊曰少知名以雅重稱世說賞譽篇上朝野許其注引晉諸公贊曰嵯然不羣時類憚其風節

能整風俗理人倫襲父爵上蔡伯起家太子舍人累遷

潁川太守爲政清簡甚得百姓歡心太傅從事中郎庾

顗見而歎曰嶠森森如千丈松

案顗當作數數本傳言參太傅軍事後為太傅

主簿不言為從事中郎世說品藻篇曰人問丞相周侯何如和嶠答曰長輿嵯嶢諸史拾遺曰案庾敞傳即此一事而傳聞互異和嶠卒於元康二年其時東海王越未為太傅敞名位尚微此語自當屬之溫嶠援鶉堂筆記曰越為太傅在永興元年前上去元康二年相懸一紀況其齒位亦復殊邈和嶠豈待數語為重哉敞傳自不誤嶠傳乃又采世說語妄入之譬記曰案庾敞傳子嵩所器者乃溫太真非和長輿也因二嶠名同遂誤屬於和前後並載世說亦誤案王觀國學林嘗訂其誤已發其端

雖礫硤多節目施之大

廈有棟梁之用賈充亦重之稱於武帝入為給事黃門

侍郎遷中書令

通典二十一山公啟事曰黃門侍郎和嶠最有才可吏部郎案本傳不言為吏

部郎蓋山公帝深器遇之舊監令共車入朝時荀勗為薦而未用也

監嶠鄙勗為人以意氣加之每同乘高抗專車而坐

世說

方正篇曰故事監令由來共車嶠性雅正常疾勛詔諫
後公車來嶠便登正向前坐不復容勛助方更覓車然
後得去文選王文憲集序注引臧榮緒晉書作舊監令
共車入朝及嶠爲令荀勖爲監嶠不禮勛常以意氣加
之世說方正篇注引曹嘉之乃使監令異車世說方正
篇作監令
晉紀作嶠意強抗專車而坐

各給自嶠始也吳平以參謀議功賜弟郁爵汝南亭侯

周家祿校勘嶠
記曰愷誤嶠

嶠轉侍中愈被親禮與任顗張華相善

見太子不令因侍坐曰皇太子有淳古之風

寶晉紀此句下有
美於信受一語

而季世多僞恐不了陛下家事

世說

篇注干寶晉紀曰和嶠數言於上曰季世多僞而太子
尚信非四海之主憂太子不了陛下家事願追思文武
之詐云云又懷齊王朋黨之論不入也

帝默然不答後與荀顗荀勖同侍帝曰太子近入朝差長進卿可俱詣

之世說方正篇作語嶠曰東宮近粗及世事既奉詔而

還頌勛並稱太子明識弘雅誠如明詔嶠曰聖質如初

耳魏志荀彧傳注干寶晉紀曰武帝使侍中荀頌和嶠

聖質如初孫盛曰遺荀勖其餘語則同裴松之案和嶠

為侍中荀頌亡沒久矣荀勖位亞台司不與嶠同班無

緣方稱侍中二書所云皆為非也考其時位愷實當之

案荀勖傳云遺勖與和嶠往觀之助盛稱太子之德而

嶠云太子如初御覽一百四十八引王隱晉書亦云勖

盛稱太子之德更進茂嶠答以為太子如故不見更勝

於是天下貴嶠而賤勖似此事為勖嶠二人同往無疑

乃此傳云頌勖並稱太子明識弘雅干紀二人有頌無助

歧誤滋甚竊疑此事實為助非頌故荀頌傳絕無一字

涉及此事本傳與干紀或多一頌字或誤助為頌皆不

及助傳貴嶠賤勖一語為翔實也至裴氏謂荀頌亡沒

久矣此言良是蓋頌薨於泰始十年此事則在太康間

更可斷為非頌惟荀勖傳武帝受禪後拜中書監加侍

中嶠傳亦云嶠為中書令舊監令共車入朝荀勖為監

同乘高抗是勛之名位尚在嶠上焉得云勛位亞台司
不與嶠同班耶荀愷一說尤爲無據世說方正篇注引
干寶晉紀作荀愷又引晉陽秋作荀勛劉孝標謂荀顗
清雅性不阿諛校之二說則孫盛爲得亦以爲是勛非
顗然但論其人品帝不悅而起嶠退居恆懷慨歎知不
未及攷其時代耳帝猶不能已在御坐言及社稷未嘗不以儲君爲憂
帝知其言忠每不酬和後與嶠語不及來事或以告賈
妃妃銜之太康末爲尙書以母憂去職及惠帝卽位拜
太子太傅加散騎常侍讀史舉正曰時爲太子太傅者
王戎也妹勲厥案愷懷太子傳
云和嶠爲少保魏志和洽傳注御覽四百七十一引晉
諸公贊亦作愷懷太子初立以嶠爲少保加散騎常侍
世說方正篇注引晉諸公贊作太子少傅御光祿大夫
覽二百四十四又引作太子少保均與傳異

太子朝西宮嶠從入賈后使帝問嶠曰卿昔謂我不了

家事今日定云何嶠曰臣昔事先帝曾有斯言言之不

效國之福也臣敢逃其罪乎元康二年卒贈金紫光祿

大夫加金章紫綬本位如前永平初策謚曰簡案上文云元康

二年卒永平紀元在元康之前不應先策謚而後卒也此有誤文嶠家產豐富擬于王

者然性至吝魏志和洽傳注御覽四百七十一引晉諸公贊作擬於王公而性至儉吝世說儉齋

篇注引晉諸公贊曰嶠性不通治家富擬王公而全儉將有犯義之名品藻篇注引虞預晉書御覽四百七十

一引晉諸公贊均云嶠厚自封植嶠然不羣以是獲譏於世杜預以爲嶠有

錢癖以弟郁子濟嗣位至中書郎郁字仲輿才望不及

嶠而以清幹稱魏志和洽傳注晉諸公贊曰嶠同母弟郁素無名嶠輕侮之以此爲損郁以公

彊當世致位尙書令歷尙書左右僕射中書令尙書令洛陽傾沒

奔于苟晞疾卒

武陔

武陔字元夏沛國竹邑人也父周魏衛尉

魏志胡質傳注虞預晉書

曰周字伯南位至光祿大夫御覽四百四十二引虞書誤作同元和姓纂六曰武彪裔孫周魏南昌侯案周所歷官似以陔沈敏有器量早獲時譽與二弟韶叔夏茂虞書爲是

季夏竝總角知名雖諸父兄弟及鄉閭宿望莫能覺其

優劣

魏志胡質傳注虞預晉書曰陔二弟韶茂皆總角見稱並有器望雖鄉人諸父未能覺其多少世說

賞譽篇上注引同郡劉公榮有知人之鑒常造周周見

其三子焉公榮曰皆國士也元夏最優有輔佐之才陳

力就列可爲亞公叔夏季夏不減常伯納言也

魏志胡質傳注

虞預晉書曰時同郡劉公榮名知人嘗造周周謂曰卿
有知人之明欲使三兒見卿卿爲口高下以效郭許之
聽可乎公榮乃自詣陔兄弟與共言語觀其舉動出語
周曰君三子皆國士也元夏器量最優有輔佐之風展
力仕宦可爲亞公叔夏陔少好人倫與潁川陳泰友善
季夏不減常伯納言也

魏明帝世累遷下邳太守

讀史舉正曰案下邳後漢景
及晉並爲國不得有太守

帝爲大將軍引爲從事中郎累遷司隸校尉

案魏志三
少帝紀注

引魏書有屯騎校尉關內侯臣
陔傳作司隸疑是屯騎之譌

轉太僕卿初封亭侯五

等建改封薛縣侯文帝甚親重之數與詮論時人嘗問

陳泰孰若其父羣陔各稱其所長以爲羣泰略無優劣

世說品藻篇曰司馬文王問武陔陳玄伯何如其父司
空陔曰通雅博暢能以天下聲教爲己任者不如也明
練簡至立功

帝然之泰始初拜尙書掌吏部遷左僕射

立事過之

左光祿大夫開府儀同三司

魏志胡質傳注虞預晉書曰陔少出仕宦歷職內外

泰始初爲吏部尙書左僕射右光祿大夫開府儀同三司案與傳作左光祿小異書鈔五十六引晉諸公贊亦

作右陔以宿齒舊臣名位隆重自以無佐命之功又在光祿

魏已爲大臣不得已而居位深懷遜讓終始全潔當世

以爲美談卒于位

魏志胡質傳注虞預晉書曰陔以在魏已爲大臣本非佐命之數懷遜讓

不得已而居位故在官職無所荷任夙夜思恭而已終始全潔當世以爲美談書鈔五十六晉諸公贊曰公以

身率職朝

諡曰定子輔嗣

案唐書宰相世系表十四上輔作越越生威遠將軍嗣薛

侯輔表增越一世韶歷吏部郎太子右衛率散騎常侍

而輔又爲輔之誤魏志胡質傳注虞預晉書曰韶歷二官吏部郎茂以德

山濤啟事稱素稱名亞于陔爲上洛太守散騎常侍侍中尙書潁川

荀愷年少于茂卽武帝姑子自負貴戚欲與茂交距而不答由是致怨及楊駿誅愷時爲僕射以茂駿之姨弟陷爲逆黨遂見害茂清正方直聞於朝野一旦枉酷天下傷焉魏志胡質傳注虞預晉書曰茂至侍中尙書煩川荀愷宣帝外孫世祖姑子自負貴戚要與茂交拒而不答由是見怒元康元年楊駿誅愷時爲尙書僕射以茂駿之姨弟陷爲駿黨遂枉見殺眾咸冤痛之侍中傅祗上表申明之後追贈光祿勳

任愷

任愷字元衰樂安博昌人也

元和姓纂五日樂安博昌任敖之後晉尙書任愷

父吳魏太常

魏志三少帝紀注引魏書有太常臣晏廿二史攷異十五曰晉書任愷傳父吳魏太

常晏吳字形相似疑卽其人也

愷少有識量

世說任誕篇注晉諸公贊曰愷有雅識

尙魏

明帝女累遷中書侍郎員外散騎常侍晉國建爲侍中
封昌國縣侯愷有經國之幹萬機大小多管綜之性忠
正以社稷爲己任帝器而昵之政事多諮焉泰始初鄭
沖王祥何曾荀顗裴秀等各以老疾歸第帝優寵大臣
不欲勞以筋力數遣愷諭旨於諸公諮以當世大政參
議得失愷惡賈充之爲人也不欲令久執朝政每裁抑
焉充病之不知所爲後承閒言愷忠貞局正宜在東宮
使護太子帝從之以爲太子少傅而侍中如故充計畫
不行會秦雍寇擾天子以爲憂愷因曰秦涼覆敗關右
騷動此誠國家之所深慮宜速鎮撫使人心有庇自非

威望重臣有計略者無以康西士也帝曰誰可任者愷曰賈充其人也中書令庾純亦言之於是詔充西鎮長安充用荀勗計得留充既爲帝所遇欲專名勢而庾純張華溫頤向秀和嶠之徒皆與愷善楊珧王恂華廙等充所親敬于是朋黨紛然帝知之召充愷宴于式乾殿而謂充等曰朝廷宜一大臣當和充愷各拜謝而罷既而充愷等以帝已知之而不責結怨愈深外相崇重內甚不平或爲充謀曰愷總門下樞要得與上親接宜啟令典選便得漸疏此一都令史事耳且九流難精閒隙易乘充因稱愷才能宜在官人之職帝不之疑謂充舉

得其才卽日以愷爲吏部尙書加奉車都尉愷旣在尙書選舉公平盡心所職然侍勣轉希充與荀勗馮統承閒浸潤謂愷豪侈用御食器充遣尙書右僕射高陽王珪奏愷遂免官有司收太官宰人檢覈是愷妻齊長公主得賜魏時御器也愷旣免而毀謗益至帝漸薄之然山濤明愷爲人通敏有智局舉爲河南尹坐賊發不獲又免官復遷光祿勳愷素有識鑒加以在公勤恪甚得朝野稱譽而賈充朋黨又諷有司奏愷與立進令劉友交關事下尙書愷對不伏尙書杜友廷尉劉良竝忠公士也知愷爲充所抑欲申理之故遲留而未斷以是愷

及友良皆免官愷既失職乃縱酒耽樂極滋味以自奉
養初何劭以公子奢侈每食必盡四方珍饈愷乃踰之
一食萬錢猶云無可下筋處愷時因朝請帝或慰諭之
愷初無復言惟泣而已後起爲太僕轉太常初魏舒雖
歷位郡守而未被任遇愷爲侍中薦舒爲散騎常侍御覽
六百三十一晉諸公議序曰魏舒雖有字量眾望未能
悉歸侍中任愷爲世祖所委任秦始中啟舒散騎常侍
至是舒爲右光祿開府領司徒帝臨軒使愷拜授舒雖
以弘量寬簡爲稱時以愷有佐世器局而舒登三公愷
止守散卿莫不爲之憤歎也愷不得志竟以憂卒時年
六十一諡曰元子罕嗣罕字子倫幼有門風才望不及

愷以淑行致稱爲清平佳士厯黃門侍郎散騎常侍充
州刺史大鴻臚

崔洪

崔洪字良伯博陵安平人也高祖寔著名漢代

後漢書本傳曰

寔字子真一名台字元始明於政體論當世便事數十
條名曰政論指切時要言辯而確當世稱之召拜議郎

出爲五原太守以病徵拜遼東父讚魏吏部尙書左僕

太守母卒服竟召拜尙書免歸

射案魏志三少帝紀注引魏氏春秋有尙書崔贊夏以
侯立傳及注引荀綽冀州記亦作贊當卽其人

雅量見稱洪少以清厲顯名

魏志夏侯玄傳注荀綽冀州記曰洪清恪有匪躬之

志骨鯁不同於物人之有過輒面折之而退無後言武

帝世爲御史治書時長樂馮恢父爲弘農太守愛少子

淑欲以爵傳之恢父終服闋乃還鄉里結草爲廬陽瘠
不能言淑得襲爵恢始仕爲博士祭酒散騎常侍翟嬰
薦恢高行邁俗侔繼古烈洪奏恢不敦儒素令學生番
直左右雖有讓侯微善不得稱無倫輩嬰爲浮華之目
遂免嬰官朝廷憚之尋爲尙書左丞時人爲之語曰叢
生棘刺來自博陵在南爲鵠在北爲鷹遷吏部尙書舉
用甄明門無私謁薦雍州刺史郤詵代己爲左丞廿二史攷
異二十一曰按郤詵傳洪薦詵爲左丞累遷雍州刺史據此傳似先爲刺史而後爲左丞矣詵後糾
洪初學記十一引王隱晉書作推奏洪謂人曰我舉郤
吏部尙書崔洪請詵作奏詵而還奏我是挽弩自射也詵聞曰昔趙宣子任韓厥

爲司馬以軍法戮宣子之僕宣子謂諸大夫曰可賀我

矣我選厥也任其事崔侯爲國舉才我以才見舉

書鈔三十

心引干寶晉紀爲國惟官是視各明至公何故私言乃

作爲相見舉作受舉

至此洪聞其言而重之

初學記十一引王隱晉書作何故其言乃至於此也洪聞而悅

服之書鈔六十引干寶晉紀亦作洪聞悅服

洪口不言貨財手不執珠玉汝

南王亮常譙公卿以瑠璃鍾行酒酒及洪洪不執亮問

其故對曰慮有執玉不趨之義故爾然實乖其常性故

爲詭說楊駿誅洪與都水使者王佑親坐見黜後爲大

司農卒于官子廓散騎侍郎亦以正直稱

郭奕

郭奕字大業

魏志郭淮傳注晉諸公贊曰淮弟配字仲南陽城太守配弟鎮字季南謁者僕射鎮

子奕字泰業案泰古作大

太原陽曲人也少有重名

世說賞譽篇上注晉諸公贊曰

累世舊族亦有才望

山濤稱其高簡有雅量初爲野王令羊祜常

過之

世說賞譽篇上曰羊公還洛郭奕爲野王令羊至界遣人要之郭便自往

奕歎曰羊叔

子何必減郭大業少選復往又歎曰羊叔子去人遠矣

遂送祜出界數百里坐此免官

世說賞譽篇上曰羊旣去郭送之彌日一舉數

百里遂以出竟免官復嘆曰羊叔子何必減顏子

咸熙末爲文帝相國主簿時

鍾會反於蜀荀勗卽會之從甥少長會家勗爲文帝掾

奕啟出之帝雖不用然知其雅正武帝踐阼初建東宮

以奕及鄭默竝爲中庶子遷右衛率驍騎將軍封平陵

男御覽五百六十二咸寧初遷雍州刺史御覽二百二十九

事曰侍中彭權遷當選代雍州刺史郭奕高簡有雅量

在兵間少不盡下情處朝廷足以肅正左右案本傳不言爲侍中蓋山濤薦而未用也鷹揚將軍尋假赤幢曲

上文高簡有雅量卽用啟事語

蓋鼓吹奕有寡姊隨奕之官姊下僮僕多有姦犯而爲

人所糾奕省按畢曰大丈夫豈當以老姊求名遂遣而

不問時亭長李含有俊才而門寒爲豪族所排奕用爲

別駕舍後果有名位時以奕爲知人太康中徵爲尙書

初學記十一王隱晉書奕有重名當世朝臣皆出其下

時帝委任楊駿奕表駿小器不可任以社稷帝不聽駿

後果誅及奕疾病詔賜錢二十萬日給酒米初學記十一王隱晉

書曰累辭疾病不起復不上朝御覽八百六十三太康
起居注曰尚書郭奕有疾日賜酒米各五升猪羊肉各
一斤太康八年卒太常上謚爲景有司議以貴賤不同號
謚與景皇同不可請謚曰穆詔曰謚所以旌德表行按
謚法一德不懈爲簡奕忠毅清直立德不渝於是遂賜
謚曰簡

侯史光

侯史光字孝明東萊掖人也幼有才悟受學於同縣劉
夏舉孝廉州辟別駕咸熙初爲洛陽典農中郎將封關
中侯泰始初拜散騎常侍尋兼侍中與皇甫陶荀廙持
節循省風俗

案魏志三少帝紀注引魏書有中壘將軍
昌武亭侯臣廙夏侯立傳注引世語有散

騎常侍荀爽廩爲荀彧之孫彧傳作及還奏事稱旨轉
冀官至中領軍薨諡貞侯卽此人也

城門校尉進爵臨海侯其年詔曰光忠亮篤素有居正
執義之心歷職內外恪勤在公其以光爲御史中丞雖
屈其列校之位亦所以伸其司直之才光在職寬而不

縱

書鈔六十二引熱榮緒晉書作光在職寬仁不縱

太保王祥久疾廢朝光奏

請免之詔優祥而寢光奏後遷少府卒官詔賜朝服一

具衣一襲錢三十萬布百匹及葬又詔曰光厲志守約

有清忠之節家極貧儉其賜錢五十萬光儒學博古歷

官著績文筆奏議皆有條理長子玄嗣官至玄菟太守

卒子施嗣東莞太守

蔡豹傳施作旄

何攀

何攀字惠興蜀郡郫人也仕州爲主簿屬刺史皇甫晏爲牙門張弘所害誣以大逆時攀適丁母喪遂詣梁州

拜表證晏不反故晏冤理得申

華陽國志十一曰何攀字惠興蜀郡郫人漢司

空祀鄉侯武弟潁川太守顯後也父包字休揚察舉秀孝皆不行除瑯邪王中尉不就攀兄弟五人皆知名攀少夙成奇姿卓逸弱冠郡主簿上計吏州辟從事刺史皇甫晏稱攀王佐才也以爲主簿秦始十年養母歸家晏爲牙門張宏等所害攀操喪徑詣洛訟釋事得清案傳言詣梁州拜表華陽志言徑詣洛情事互異王

濬爲益州辟爲別駕濬謀伐吳遣攀奉表詣臺口陳事

機詔再引見乃令張華與攀籌量進討之宜濬兼遣攀

過羊祜面陳伐吳之策

華陽國志八曰咸寧三年冬十月遣攀使詣洛表可征伐狀因

使至襄陽與征南將軍羊祜荊州刺史宗延論進取計
又十一日既至洛拜表獻策因至荊州與刺史宗延論
宗未許乃見羊祜累日共盡川
兵之要羊祜大悅遂表請伐吳攀善于將命帝善之詔
攀參濬軍事及孫皓降於濬而王渾恚於後機欲攻濬
攀勸濬送皓與渾由是事解欲一作將華陽國志十一
年秋攀使在洛安東將軍王渾表孫皓欲北上邊戍警
戒朝議征却須六年攀上疏策皓必不敢出宜因今戒
嚴掩取甚易中書令張華命宿下舍設諸難攀皆通之
諸史攷異三日按王渾傳惟言渾甚愧恨有不平之色
頻奏濬罪狀時人譏之王濬傳亦不言送皓與渾此傳
失之晉書校文三日吳志孫皓傳濬最先到受皓之降
司馬仙以皓致印綬於己遣使送皓西遷據此則皓降
濬後卽由仙衛致京都濬未嘗轉送于渾觀濬前後所
上章亦不一及送皓以攀爲濬輔國司馬封關內侯轉
於渾事傳所云顯誤

榮陽令上便宜十事甚得名稱

華陽國志十一曰上論時務五篇案華陽志言

上論時務在除崇陽令之前除廷尉平時廷尉卿諸葛

傳在轉崇陽令之下恐誤

冲以攀蜀士輕之及共斷疑獄冲始歎服華陽國志十

城門下關者法據大辟攀駿之曰上關執信之主遷宣

下關儲備之物設有開上關何以加刑遂減死

城太守不行轉散騎侍郎楊駿執政多樹親屬大開封

賞欲以恩澤自衛攀以爲非乃與石崇共立議奏之語

在崇傳帝不納以豫誅駿功封西城侯邑萬戶賜絹萬

匹華陽國志十一曰太傅楊駿謀逆請眾官攀與侍中

策戒嚴誅駿駿外已忽忽攀與祇踰牆得出侍天子天

子以爲翊軍校尉領熊渠兵一戰斬駿社稷用安封西

城公邑萬戶又賞絹萬匹攀固辭受五千匹又卷二曰

西城縣元康元年封越騎校尉蜀郡何攀爲公國案翊

軍與越騎互異本傳又載遷翊軍校尉於弟逢平鄉侯

封侯之下侯與公又各不同未知孰是

兄子達關中侯

華陽國志十一作兄子襲關內侯

攀固讓所封戶及絹

之半餘所受者分給中外宗親略不入己遷翊軍校尉

頃之出爲東羌校尉徵爲揚州刺史

華陽國志十一曰遷宣關內史不就

轉東羌校尉西虜寇邊遣長史楊威討之達攀指授失

利徵還領越騎校尉武庫災百官皆救火攀獨以兵衛

宮復賞絹五百匹領河南尹案攀爲宣關內史越騎校

尉復領河南尹後乃出爲揚州刺史傳旣失載所歷諸

官又直曰徵在任三年遷大司農轉兗州刺史加鷹揚

爲刺史誤也

將軍固讓不就

華陽國志十一曰征虜將軍石崇表東南有兵氣不宜用遠人徵拜大司農兼

三州都自表以被疾錯忘不堪銓量人物讓都職於任

熙費緝不聽遷兗州刺史錫寶劍赤舄固辭不之官

太常成粲左將軍卞粹勸攀蒞職中詔又加切厲攀竟

稱疾不起

華陽國志十一曰時帝室政衰多害忠直又諸王迭起奸結黨徒攀闔門治疾不與世務

及趙王倫篡位遣使召攀更稱疾篤倫怒將誅之攀不

得已扶疾赴召卒于洛陽時年五十八

華陽國志十一曰薨時年五十

七天子愍悼追贈司農印綬謚曰桓公遺令勅世子務行恭儉引荀公曾諸葛德林爲模範案攀非中州右族故史於贈官及謚均失載之年歲亦互異攀居心平允泄官整肅愛樂人物

敦儒貴才爲梁益二州中正引致遺滯巴西陳壽閭父

健爲費立

華陽國志十一曰費立字建熙健爲南安人也學義冲遠元靜沈嘿察孝廉王國中尉出

爲成都令莅之垂績以性公亮入爲州大中正除巴西太守不就轉梁益益三州都督兼尙書大駕西幸長安與大臣居守在洛加員外散騎常侍皆西州名士竝被封關內侯永嘉六年與子并沒於胡

鄉閭所謗清議十餘年攀申明曲直咸免冤濫攀雖居顯職家甚貧素無妾媵伎樂惟以周窮濟乏爲事子璋

嗣亦有父風

史臣曰幽厲不君上德猶懷進善共驩在位大聖之所不堪況乎志士仁人寧求苟合懷其寵秩所以繫其存亡者也雖復自口銷金投光撫劍馳書北闕敗車猶踐而諫主不易譏臣實難劉毅一遇寬容任和兩遭膚受詳觀餘烈亦各其心焉若夫武陟懷魏臣之志崔洪愛郤詵之道長升勸王彌之尊何攀從趙倫之命君子之人觀乎臨事者也

贊曰仲雄初令忠審揚庭身方諸葛帝擬桓靈大業非楊元褒請賈和氏條暢堪施大廈崔門不謁聲飛朝野

侯史武陟輔佐之才何攀平允冤濫多迴

晉書斟注卷四十五